

Reglur um skólaakstur í Rangárþingi ytra og Ásahreppi

Gilda frá 5. Júlí 2013

Almennt

Um skólaakstur í Rangárþingi ytra og Ásahreppi gildir reglugerð um skólaakstur í grunnskóla nr. 656/2009 m.s.br. ásamt eftirfarandi sérákvæðum:

Skólar / skólaráð / fræðslunefnd

- Reglur þessar eiga við um skólaakstur við Grunnskólann á Hellu og Laugalandsskóla í Holtum
- Skólaakstur er skipulagður miðað við þarfir grunnskólanna. Daglegur skólaakstur er samkvæmt skólaakstursáætlun sem skólastjórar vinna fyrir hvert skólaár og skal sú áætlun birt á heimasíðu viðkomandi skóla. Skólaakstursáætlun hvors skóla skal árlega lögð fram til umsagnar í skólaráði og að því loknu til staðfestingar í fræðslunefnd þar sem umsögn ráðsins skal fylgja með.
- Fjöldi barna getur verið breytilegur á milli ára. Skipulagi skólaaksturs verður að öllu jöfnu ekki breytt innan skólaárs nema til komi breytingar á fjölda grunnskólabarna sem nýta skólaakstur. Ef gera þarf breytingar á skólaakstri af öðrum ástæðum skulu þær lagðar fram til staðfestingar í fræðslunefnd.
- Öll börn sem búa utan skilgreinds þéttbýlis á Laugalandi og á Hellu eiga rétt á skólaakstri til og frá heimili sínu. Heimili í reglum þessum merkir skráð lögheimili eða annar staður þar sem barnið hefur fasta búsetu.
- Í sérstökum tilfellum er skólastjóra heimilt að semja við forráðamenn um akstur barna í veg fyrir skólabíl, sé það talið nauðsynlegt. Skólastjóri skal hafa samráð um þetta við fræðslunefnd.
- Um slíkan akstur skal gerður skriflegur samningur. Í þeim tilvikum skulu börn vera á ábyrgð forráðamanna á meðan á akstri stendur að skólabíl.

Bílstjórar / verktakar

- Bílstjórar/verktakar skulu sýna trúnað um öll má er þeir kunna að fá vitneskju um í starfi sínu og snerta einstaka nemendur, foreldra þeirra eða aðstandendur. Komi upp vandamál í skólabíl svo sem vanlíðan, einelti eða stríðni, eða verði bílstjóri var við að eitthvert barnanna eigi í erfiðleikum ber honum að ræða það við skólastjóra.
- Bílstjóri heldur uppi aga í skólabíl og sér til þess að almennum reglum sé fylgt í bílnum. Bílstjóri sér um að börn setji á sig öryggisbelti og honum ber skylda til að tilkynna til skólastjóra sé reglum ekki fylgt.
- Ekki er heimilt að skipta um bílstjóra skólabíls nema skólastjóri sé upplýstur um það með hæfilegum fyrirvara. Gert er ráð fyrir að verktaki sé að öllu jöfnu bílstjóri en þó heimilt að semja um annað.
- Verktaki skal sjá til þess að bifreið sú sem notuð er til skólaakstursins uppfylli öll ákvæði laga,reglugerða og settra reglna um gerð búnað og merkingu sem í gildi eru á hverjum tíma. Kostnað við breytingar sem upp kunna að koma vegna breyttra laga,reglugerða og settra reglna um gerð og búnað hennar,skal eigandi bera sjálfur. Allar bifreiðar sem notaðar eru til að aka nemendum á vegum skólanna verða að hafa öryggisbelti í öllum sætum. Bifreiðar sem notaðar eru til aksturs á skólabörnum skulu vera snyrtilegar,loftgóðar og reyklaugar. Bílstjórar skulu vera snyrtilegir til fara.

- Bílstjóri getur tekið ákvörðun um að aka ekki eða sleppa einhverjum bæjum ef aðstæður eru viðsjárverðar. Slík ákvörðun skal tekin í samráði við skólastjóra. Skólastjóri getur eftir atvikum óskað eftir að skólaakstri sé flýtt eða seinkað vegna aðstæðna.
- Komu-og brottferðartímar, til og frá skóla, eru ákveðnir og stundvísi er mikilvæg. Bílstjóri skal haga akstri þannig að nemendur komi á tilsettum tíma í skólann, ekki of seint og ekki heldur og snemma til að forðast biðtíma. Bílstjórar skula að jafnaði ekki sinna einkaerindum meðan börnin eru í bílnum né láta slík erindi seinka ferðum.
- Skólabílar eiga fasta biðstöð á skólalóð og þar er bannað að bakka.
- Verði slys skal skólabílstjóri strax hafa samband við lækni, lögreglu og skólastjóra. Ef ekki næst samband við skólastjóra eða staðgengil hans, skal skólabílstjóri hafa beint samband við aðstandendur barna sem kunna að hafa meiðst.
- Í vondu veðri má bílstjóri ekki sleppa nemendum úr auglýn.
- Bílstjóri gæti þess eftir mætti að hafa opinn farsíma yfir daginn ef breyta þarf áætlun eða tilkynna forföll nemenda.

Nemendur/foreldrar

- Nemendur skuli nota bílbelti og ber foreldrum/forráðamönnum skylda til að upplýsa þá um mikilvægi þess.
- Ef þörf er á frekari öryggisbúnaði að mati foreldra/forráðamanna (td bílstól eða sessu) bera þeim að útvega þann búnað. Skólabílstjóri skal gera nemendum kleift að nota þann búnað.
- Nemendur skuli vera tilbúnir til að fara í skólabílinn þegar hann kemur í hlað á morgnana.
- Neysla sælgætis, gosdrykkja, tóbaks og áfengis er óheimil í skólabílnum.
- Sýna ber skólabílstjóra og samferðarfólki kurteisi og tillitssemi í skólabílnum.
- Ef foreldrar hafa áhuga á að senda barn sitt sem „gest“ með skólabílnum skal ræða þá fyrirætlan við skólabílstjóra og fá samþykki hans fyrir aukafarþega.
- Bílstjórar eru ekki skyldugir til að taka aukafarangur svo sem hjól nemenda með í skólabílinn.

Reglur þessar voru samþykktar af fræðslunefnd Rangárbings ytra og Ásahrepps 27. febrúar 2013 og staðfestar með smávægilegri breytingu af sveitarstjórn Rangárbings ytra 27. júlí 2013.